

## **1. UVOD**

### **1.1.Predmet istraživanja**

Područje istraživanja diplomskog rada jesu finansijski rizici koji se susreću u međunarodnom poslovanju. U istraživanju se nastojalo ukazati na značaj finansijskih rizika u međunarodnom poslovanju, kao sastavni i neizbježan dio međunarodnog poslovanja. Takođe je istraživan i uticaj finansijskih rizika na konačan poslovni rezultat. Pored navedenog, tokom istraživanja detaljno su analizirani pojedinačni finansijski rizici sa kojim se preduzeća susreću u međunarodnom poslovanju. Ta analiza finansijskih rizika podrazumjeva definisanje i podjelu finansijskih rizika sa kojima se preduzeća susreću, izvore finansijskih rizika i upravljanje pomenutim rizicima.

Dio istraživanja posebno je bazirano na jedan veoma važan segment međunarodnog poslovanja, a to je osiguranje od potencijalnih finansijskih rizika u međunarodnoj trgovini, gdje će poseban akcenat biti usmjeren na osiguranje finansijskih rizika terminskim poslovima (hedzing, forvard ugovori, fjučers ugovori, opcije, svop poslovi). Razlog važnosti osiguranja od finansijskih rizika u međunarodnom poslovanju jeste da učesnici u međunarodnoj trgovini osiguranjem smanjuju rizik da će finansijski rezultat odstupati od očekivanog.

### **1.2.Cilj rada**

Cilj ovog diplomskog rada je prikazati i analizirati finansijske rizike sa kojim se preduzeće susreće u međunarodnom poslovanju. Posebna pažnja biće posvećena kamatnim i deviznim rizicima u međunarodnom poslovanju.

Završni dio istraživanja posvećen je analizi kreditnog rejtinga Bosne i Hercegovine i zemalja iz regiona, odnosno istraživanju trenutne pozicije Bosne i Hercegovine u odnosu na zemlje iz okruženja u pogledu kreditnog boniteta.

### **1.3.Hipoteza rada**

Hipoteza diplomskog rada glasi: Najznačajniji finansijski rizici kojima su izložena preduzeća u međunarodnom poslovanju su kamatni i devizni rizici.

### **1.4.Methodologija istraživanja**

Teorijsko metodološki pristup je dijalektički. U radu će biti primijenjene osnovne sintetičke i osnovne analitičke metode. Od opštih metoda biće primjenjivanje hipotetičke i deduktivne metode.

### **1.5. Struktura rada**

Predstojeći diplomski rad je sačinjen od planiranih šest poglavlja:

U dijelu **UVOD** je naveden problem istraživanja, predmet i polazište istraživanja, zatim je ustanovljen cilj istraživanja, postavljena je hipoteza, metode istraživanja i opisana struktura rada. Potom su definisani osnovni pojmovi i navedene osnovne karakteristike međunarodnog poslovanja i rizika.

U dijelu - **VRSTE RIZIKA** navode se osnovne podjele rizika u međunarodnom poslovanju, kao i analiza rizika koji se najčešće pojavljuju u međunarodnom poslovanju.

U trećem dijelu - **FINANSIJSKI RIZICI** analizirani su najvažniji finansijski rizici, odnosno finansijski rizici sa kojima se preduzeća najčešće susreću.

Četvrti dio **UPRAVLJANJE FINANSIJSKIM RIZICIMA U MEĐUNARODNOM POSLOVANJU** prikazuje mogućnosti kako i na koji način preduzeća, učesnici u međunarodnom poslovanju, mogu da umanje i minimiziraju finansijske rizike. Posebno je objašnjeno osiguranje od finansijskih rizika putem derivativnih instrumenata (hedžing, fjučers, forvard, svop)

Peto poglavlje - **KREDITNI REJTING BiH** jeste poglavlje u kojem navodimo posljednje dostupne podatke o kreditnom rejtingu BiH. Pored toga istraživano je i trenutno mjesto BiH u Evropi i regionu na osnovu kreditnog rejtinga.

**ZAKLJUČAK:** U zaključku ovog rada, navodimo lično mišljenje i zaključke do kojih smo došli tokom pisanja rada.

U dijelu **LITERATURA** je navedena sva literatura i elektronski izvori koji su korišteni tokom pisanja rada.